

傷寒集註

進賢舒馳遠先生著

新增傷寒集註

松江李林馥啟賢氏重校

R252.2
15

千頃堂書局商標



再重訂傷寒集註自序

嗟夫醫難言矣不通仲景之書不足以言醫然其書未易通也自漢迄今疏釋者數十家大都得失相參均之無當惟西昌喻嘉言奮起於千數百年之後條晰博辨其旨趣始明於世而綴學淺識猶往往背而議之求能通喻氏之書者蓋亦寡也予少好醫方每苦於難通獲交南昌羅先生子尚蓋親承嘉言口授曰某得師傳要妙確守數十年而未傳於徒年將八旬時光短矣懼其傳之或失亟欲得其人而傳之今子穎敏而堅銳可當吾意乃舉所得於嘉言者以傳於詔詔蓋聳然起惶然謝敬受其書而讀焉曠若蒙之發底之脫也於是所至皆有驗然而仲景之書雖由尚論而明其間遺義尚多故讀者不得其口授亦鮮能通也詔不敢苟安於黠混聽之以貽其悞於是不揆薄劣參攷百家徵以症治出其一知半解補而詳之殫精瘁神十餘年始克集註成篇不可謂非難也二三同志慙慙刻之行世歷有年所竟鮮有尋瑕索癰匡予之不逮者予心殊未謙也然予既深知其難又安敢因人莫我訾遂忘其難而遽以是自畫乎哉常耿耿攷攷行若忘坐若遺如是者十年於茲矣自覺閱歷多而識見廣學與年而俱進乃取原刻刪之補之重鐫以問世今又十年矣所歷所驗愈多愈確於是復加訂定或庶幾稍通旨趣可告無罪於同志君子乎抑或等之諸家疏釋均歸無當乎爰再重刻以就正高明冀有攻予之短者予樂得聞而喜有

益馬不憚三訂四訂累煩剗剗也

大清乾隆三十五年庚寅歲春王正月元旦後五日慎齋學人舒詒謹識

凡例

一醫書自素靈而下不啻汗牛充棟其間雖備醫藥之理而無六經定法定方漢儒張仲景著傷寒論始創三百九十七法一百一十三方大開六經法門匪特專治傷寒凡百雜病要旨不出六經之外治法即在其中故曰三百九十七法萬法之祖也學者若不從茲入門則臨証一無所據叩以病屬何經當用何法宜主何方乃茫然矣雖窮年皓首何益哉故必熟讀仲景原文也揣摩六經証治而後胸有成竹目無全牛否則不足以言醫也

仲景傷寒論洵醫家之要典也自經兵燹卷帙散軼其所存者僅得之當時讀者之口授故其篇目失次缺而不完王叔和於尚可搜求之際乃不深加考訂而雜以偽撰成編陰陽舛錯顛倒無倫其後歷代相沿未及精察西昌喻嘉言始為削去偽撰清出原文止存三百六十條爰著尚論篇條晰諸法綱舉目張釐正六經井井不紊義例之善無出其右故是書篇目一一遵之而不敢易

一喻嘉言尚論三百九十七法未及一百一十三方後人惜其方論未備稍有餘憾其徒徐忠可原方發明所由作也然亦擇焉而未精語焉而未詳且方論另為一集簡閱終非至便今是書即列原方於本條之下擴充徐氏之意博採諸家論著以名其立方之旨命名之義並將藥性逐一講明某藥所以能治某病之故而某

藥又有宜於此不宜於彼者俱有至理存焉俾學者讀仲景治病之法即就便以考主治之方而無翻閱之勞是亦涓埃之助也

一是書原為初學而設不尚辭藻凡先賢論說聞文概置不錄或辭多於意者纂其要而登之或意隱於辭者微加損益以顯捷而出之或先賢有不經意之字及後世傳訛倒亂之句皆以理正之極知僭越無似然輔翊先賢之意引誘後來之心大不獲已救世之君子其必有以諒我也

一是書凡主腦及關鍵處每字上加大圈凡挈明脈証及比類處旁加尖圈凡精義處旁加密點凡緊要處旁加連圈以便省覽

一方中分兩悉照仲景之舊但漢時一兩止今之三錢今之三錢三分其所謂方寸匙者即一寸大之方匙也一錢匙者即如錢大之圓匙也一字者以一錢有四字一字二分半也刀圭者十分方寸匙之一也又四刀圭為一撮也附此以便查攷

一是書稿成於己未刻於庚子重刻於庚辰於今又十載矣自覺閱歷愈多識見愈確於是殫厥心力再加訂正凡有未詳者益之冗者刪之可廢者去之迴視前刻煥然改觀焉今再重刻以問世冀幸高明或有以教我

原序

予素不知醫常過江西訪故人舒公兩水過識其族子馳遠天姿高邁人也其於軒岐家書獨有心得之妙所至無不桴鼓應者一日過之見所作傷寒集註予叩其所以曰仲景傷寒論三百九十七法萬法之祖也叔和已下諸賢咸宗之而鮮有發明迨西昌喻嘉言出其卓識閭發玄奧而尚論之則仲景斯道炳如日星奈復有後起諸書各逞所見以自名家沒嘉言之功叛仲景之旨某實患之乃集是書用以補偏救悞務欲學者不迷於所往也予聆其言而閱其書集腋成裘無美不備凡所為補救諸家之不逮者究不外乎古人亦不泥於古人也概準之以理俾不一者咸歸於一矣顧以予之不知者讀之而竟無不知之也嗟夫仲景其無患乎嘉言之後有人焉亦斯道之不容泯也爰許之序而未即序者六七載今乾隆己巳秋乞假歸里省母道經江西馳遠來舟索序因令付梓以公海內固足以宣揚仲景翊贊嘉言而其補救造化普惠斯民功垂不朽者范文正公之所以擬良相也歟

閩汀雷鉉題

三百九十七法總目

卷之一太陽上篇

計五十三法

卷之二太陽中篇

計五十八法

卷之三太陽下篇

計二十四法

卷之四陽明上篇

計三十九法

卷之五陽明中篇

計三十一法

卷之六陽明下篇

計三法

卷之七少陽全篇

計二十一法

合病

計九法

壞病

計二法

併病

計五法

瘕病

計三法

卷之八太陰全篇

計九法

卷之九少陰前篇

計二十七法

少陰後篇

計一十七法

卷之十厥陰全篇

計四十八法

過經不解

計四法

差後
食復

計六法

陰陽易病

計一法

外附

六經定法

痢門挈綱

女科要訣

痘疹真詮

摘錄瘟疫

真陽論

雜病論

吐血論

一百一十三方總目

太陽上篇計一十四方

桂枝湯

桂枝 白芍 甘草 生薑 大棗

五苓散

猪苓 茯苓 白朮 澤瀉 肉桂

桂枝加附子湯

于桂枝湯內加附子一枚

桂枝加桂湯

于桂枝湯內加桂二兩

桂枝人參湯

桂枝 人參 甘草 白朮 乾薑

葛根黃連黃芩湯

葛根 黃連 黃芩 甘草

桂枝去芍藥湯

于桂枝湯內去白芍

桂枝去芍藥加附子湯

于桂枝湯內去白芍加附子

桂枝加厚朴杏仁湯

于桂枝湯內加厚朴杏仁

桃仁承氣湯

桃仁 桂枝 大黃 芒硝 甘草

抵當湯

水蛭 蟅虫 桃仁 大黃

附代抵當湯

桃仁 歸尾 生地 肉桂 大黃 玄明粉 川山甲

十棗湯

芫花 大戟 甘遂 大棗

大陷胸湯

大黃 芒硝 甘遂

大陷胸丸 大黃 芒硝 甘遂 葶藶 杏仁 白蜜

太陽中篇計三十五方

麻黃湯 麻黃 桂枝 杏仁 甘草

小建中湯 即桂枝湯加飴糖

茯苓甘草湯 茯苓 桂枝 甘草 生薑

芍藥甘草附子湯 三味

桂枝加芍藥生薑各一兩人參三兩新加湯

麻黃杏仁甘草石膏湯 四味

桂枝甘草湯 二味

茯苓桂枝甘草大棗湯 四味

厚朴生薑甘草半夏人參湯 五味

生薑瀉心湯 生薑 甘草 人參 大棗 乾薑

甘草瀉心湯 甘草 黃連 黃芩 乾薑 大棗

大黃黃連瀉心湯 二味

附子瀉心湯 附子 大黃 黃連 黃芩

半夏瀉心湯 半夏 黃芩 人參 乾薑 黃連 甘草 大棗

赤石脂禹餘糧湯

二味

大柴胡湯

柴胡 黃芩 半夏 生薑 大棗 大黃 枳實 白芍

旋覆代赭石湯

旋覆花 人參 半夏 甘草 代赭石 生薑 大棗

小陷胸湯

黃連 半夏 桔梗 薤白

柴胡桂枝湯

柴胡 黃芩 人參 半夏 生薑 桂枝 白芍 甘草 大棗

柴胡加龍骨牡蠣湯

柴胡 龍骨 半夏 人參 大黃 丹鉛 桂枝 牡蠣

炙甘草湯

甘草 清酒 胸膠 麻仁 生薑 桂枝 生薑 人參 生地 麥冬 大棗

四逆湯

生附子 乾薑 甘草

梔子厚朴湯

梔子 厚朴 枳實

梔子乾薑湯

二味

梔子生薑豉湯

三味

梔子豉湯

二味

梔子甘草豉湯

三味

乾薑附子湯

二味

茯苓桂枝白朮甘草湯

四味

抵當丸

水蛭 蟅虫 桃仁 大黃 共杵為丸

桂枝附子湯 桂枝 附子 甘草 生薑 大棗

白朮附子湯 白朮 附子 甘草 生薑 大棗

甘草附子湯 甘草 附子 白朮 桂枝

麻黃連軀赤小豆湯 麻黃 杏仁 生薑 赤小豆 連軀 甘草 大棗

梔子蘗皮湯 梔子 黃蘗 甘草

太陽下篇計一十五方

大青龍湯 麻黃 甘草 生薑 大棗 桂枝 杏仁 石膏

真武湯 附子 白朮 茯苓 白芍 生薑

桂枝麻黃各半湯

桂枝二越婢一湯 于桂枝湯內加麻黃石膏

桂枝二麻黃一湯

桂枝去桂加茯苓白朮湯 于桂枝湯內去桂加茯苓白朮

桂枝去芍藥加蜀漆龍骨牡蠣救逆湯 桂枝 甘草 蜀漆 生薑 大棗 牡

桂枝甘草龍骨牡蠣湯 四味 龍骨

甘草乾薑湯 二味

芍藥甘草湯 二味

茯苓四逆湯

茯苓 人參 附子 甘草 乾薑

黃連湯

黃連 人參 半夏 乾薑 桂枝 甘草 大棗

小青龍湯

麻黃 芍藥 半夏 五味子 桂枝 甘草 乾薑 細辛

白虎加人參湯

于白虎湯內加人參

白虎湯

知母 石膏 甘草 粳米

陽明上篇計四方

小承氣湯

大黃 枳實 厚朴

調胃承氣湯

大黃 芒硝 甘草

猪苓湯

猪苓 茯苓 澤瀉 阿膠 滑石

茵陳蒿湯

茵陳 梔子 大黃

陽明中篇計四方

蜜煎導法

一味

猪脂導法

一味

大承氣湯

大黃 芒硝 厚朴 枳實

脾約丸

麻仁 杏仁 芍藥 大黃 枳實 厚朴

少陽篇計二方

小柴胡湯

柴胡

人參

半夏

甘草

黃芩

生薑

大棗

柴胡桂枝乾薑湯

柴胡

乾薑

黃芩

桂枝

牡蠣

栝蒌根

合病篇計五方

桂枝加葛根湯

于桂枝湯內加葛根

葛根湯

葛根

麻黃

桂枝

甘草

白芍

生薑

大棗

葛根加半夏湯

于葛根湯內加半夏

黃芩湯

黃芩

芍藥

甘草

大棗

黃芩加半夏生薑湯

于黃芩湯內加半夏生薑

痰病篇計一方

瓜蒂散

甜瓜蒂

赤小豆

太陰篇計二方

桂枝加芍藥湯

于桂枝湯內倍加芍藥

桂枝加大黃湯

于桂枝湯內加大黃

少陰前篇計七方

麻黃附子細辛湯

三味

附子湯

附子

茯苓

人參

白朮

白芍

麻黃附子甘草湯 三味

吳茱萸湯 吳茱萸 人參 生薑 大棗

白通湯 蔥白 乾薑 附子

白通加人尿猪膽汁湯 于白通湯內加人尿猪膽汁

通脈四逆湯 附子 乾薑 甘草 蔥白

少陰後篇計八方

黃連阿膠湯 黃連 阿膠 黃芩 白芍 雞子黃

桃花湯 赤石脂 乾薑 粳米

猪膚湯 二味

甘草湯 二味

桔梗湯 桔梗 甘草

半夏散及湯 半夏 桂枝 甘草

苦酒湯 半夏 鷄子

四逆散 甘草 枳實 柴胡 白芍

厥陰篇計六方

烏梅丸 烏梅 細辛 乾薑 黃連 蜀椒 人參 桂枝 附子 黃柏 當歸